



Ա Ր Ա Ր Ա Տ

ԹԻԻԺ. — ՇՐՋԱՆ ԺԴ.

1881

ՏԱՐԻ ԺԴ. ՀՈԿՏԵՄ. 31.

ՊԱՇՏՈՆԱԿԱՆ ԾԱՆՈՒՑՈՒՄՆ

Ս. ՄԻԻՌՈՆԻ ՕՐՀՆՈՒԹԻՒՆ

Վեհափառ եւ Սրբազնագոյն Հայրապետն ամենայն Հայոց Տ. Տ. Գեորգ Դ. Կաթողիկոս ի պէտս Եկեղեցեաց Հայոց կամի Աստուծով Ս. Միւռոնի օրհնութիւն կատարել ի 16ն Մայիսի յառաջակայ 1882 թուականի ի Մայր, Աթոռս ի Ս. Էջմիածին, որոյ վասն փութամբ ծանուցանել համայն Հայկազուն ժողովրդոյ՝ հրաւիրելով զնոսա ի նոյն բաղձալի եւ հոգեւոր մեծ հանդէս:

Հայաստանեայց Առաքելական Ս. Եկեղեցւոյ մեծապանծ եւ փառաւոր խորհրդաւոր արարողութեանց մին եւ գլխաւորն է Ս. Միւռօնի օրհնութեան շնորհաբաշխ հանդէս, ուստի անշուշտ եմք՝ զի սիրելի Ազգայինք մեր յամենայն կողմանց աշխարհի հոգեւանդն անձկանօք պիտի դիմեն արժանանալ նոյն վսեմ հանդիսին տեսութեան եւ շնորհաց մասնակցութեան, միանգամայն նաեւ բազմադարեան շքեղափառ վկայից եւ պարծանաց Եկեղեցւոյ մերոյ Ս. Վայրացս եւ անգին եւ սրբազան հնութեանց ուխտի եւ այցելութեան պարտքը հատուցանելով՝ մխիթարովիլ հրճուանօք ըստ հոգւոյ:

